

徐仙翰藻卷之四

喜雨頌

靈濟崇建祈雨道場恭奉鹿苑開山應真菩薩卓錫聖水祇奉供養隨獲感通敬序其事以爲喜雨頌榜于泉亭告示將來用啓歸休之念者如是我聞師有偈曰人皆極目雲霓我向此時垂雨澤誓願無違其爲慈心利物之意云何指大眼孔便把作急時抱佛脚舉似怎不會得桑林之野禱于山川山川寧有神乎早既大甚滌滌山川靡神不宗毋曰祠神何益神本非神抑人心有所感而召致也惟師之靈得於如來神力持戒福德亦復如是不可思議鄉民所信向固非一日余五百年家師之力者幾何人自去秋而冬迨至春三月不雨種未入土此誠危亡急迫之時誰肯蒼鵝而軟血假信於蛇醫又恐爲識者長發笑也亦曰閑禪師袖中情龍可驅以勸鞭策遂禮請于我師隨車而雨日在壬寅後三日霏微四布丙午兩既足黃童皓叟踴躍喜交相慶曰應真開山雨致香獻頌

修東井文

東井之創始見於石刻曰熙寧八年歲乙卯閏八月十三乙巳迄今二百二十有四熙寧以前方其井磚其甃欄尚存具載章珪捨東井闢六字珪五代閩德望之士考其時爲石晉天福八年即閩天德之元年也合而筭之上下三百六十有七載蓋物久則壞數也壞而修之亦數也井涇而圯于茲四十年餘鄉閭岷岷莫之指視非慢也下如浚谷上如懸崖欲斷未絕其險若恐無所容其力焉至大改元歲戊申蒲節之前二日將西倏有風雨發作卒然而成一墟泥石俱陷此天將以假手於人而欲修之所謂數也信乎有土此有民民天之民也象天之福順天之時承天之心謀卜協吉越四日乙丑鳩工運石而搬泥無計上之鰲峰之陽有藤焉其大徑七八寸圍其長直七八丈餘假以爲索何造化之巧豈非天有以相於爾民者歟如月七日甲午石工土工畢集迄乙巳告成與向乙巳日合數乎抑天乎曰天也敢記其事爲文示爾

人而祝爾神其詞曰天相爾民風雨是因曆言協靈徵工以興既溥用汲潛流拾漚養人濟物其功用博八神八方王威于將殷韓軍榮呵禁不祥人受其福年登乎谷飲泉知脉象天之澤完舊獲新迄用有成永保安寧乾元亨利貞

塞井文

井之爲義大矣哉在天則屬二十八宿在五行則爲水之精在人則爲飲食之用不可一日費也井之不可廢者以其水之能養人濟物而然也夫苟泥而不潔舊而不清則爲廢井也故聖人作卦必曰井泥不食舊井無禽此正以爲舊廢之井泥不可食至於禽鳥不來是不能養人濟物反爲人物之害也巷東廟地其山發於鰲峰蜿蜒而來不知其幾起幾伏而歇於此昔有人焉鑿山爲井掘井及泉將至九仞而猶恐廢其功是亦以養人濟物之心爲心雖傷於山而無害今也入乎井而不能上乎水則井之功廢矣渴者不可得而食汗者不可得而濯跳梁之蛙不鳴灑職

之魚幾死舍置不用於茲有年陰陽家所謂  
玄武中箭醫家所謂膏盲痼疾衆議紛紛此  
山之受傷也不淺爾來習俗更革里閭憔悴  
高材多戚戚之窮君子無赫赫之光生意凋  
殘枯槁沉溺此日莫之為甚將誰尤乎罪之

在井歲至元癸巳九月吉日丙子鄉人以塞  
井之議禱於子予答之曰塞之吉故為文以  
告諸井之神昔有耿恭鑿井十五丈整水拜  
井水泉出又有朱博御史府吏舍百餘區井  
水皆竭均是井也何利於耿恭而不利於朱

博是亦有私耶惟爾井神俯首聽命而應予  
曰非私也數也有水者數也無水者亦數也  
有水而開之無水而塞之宜也於神亦何容  
心哉然則數之所在人事係焉故塞之議所  
由興也塞之曰今塞之日鬼神守護呵禁不

祥既塞之後家富而給人壽而康

修廟難文

修廟之責難矣乎吾聞之矣終歲備役工費  
無已乎朝斯夕斯莫敢違寧難矣乎竭其耳  
目力殫心思難已乎梁桶之腐黑者今已修

蓋瓦之毀缺者今以完赤白之浸漶者今已  
鮮誰之功也謂之自為之也過多倍亦可以  
諉其責而辭其難矣雖然東池之水文酒西  
階之銘未立內官外庭憑附之質不稱為子  
之心將何如譬如適千里及門而復是非男

子之所為也傳二男子之所為以義為重見義而  
不為無勇也古之義者惟孤竹君之二子特  
立獨行不顧是非夫豈有求而為之耶如子  
之義出於天性其與釣名嗜利之徒天淵之  
隔四方人則既聞而知之雖不質於鬼神可

以無疑又何待子言之諄諄詩云相在爾室  
尚不愧於屋漏其所以神明交者必有其當  
也宮室既修墻壁既設百物既備然後饗而  
致之又從而思之則畏敬之心油然而生矣  
否則外貌斯頽不莊不敬則慢易之心入於

欺神也不惟欺神亦欺人不惟欺於人人亦  
自欺夫何濟濟溱溱之有乎後之有事於廟  
者陟斯堂讀斯記必有問焉八人者修廟之  
人也其始謀者何如人其次同謀者又何如  
人始如彼其勤終如彼其怠是亦人也奚心

哉天下之事靡不有初鮮克有終終始俱善  
人道畢矣難矣乎此吾之所以汲汲焉是欲  
斯其始而成其終也為子之說則曰今之士  
非財不可天不兩鬼不輸抄化之說不可行  
樂施之人未多見其計將安出耶吾為子謀

之曰凡衆之動得其宜要必以義為利也不  
以利為義未有好義其事不終者也義之一  
字子其識之吾想同事者蹶然而起負墻而  
立曰弟子敢不承乎

告成序

天下之事始非難而終為難詩曰靡不有初  
鮮克有終易曰狐涉水濡其尾蓋言始之易  
而終之難也故君子敬始而慎終始終如一  
夫是之謂大吉苟始勤而終怠甘為小人逼  
逆無成之謀之徒歟然然焉用彼哉且如

本宮修作之事方其始也凡八人及其終也  
七人其有專心一力者僅三人焉以此見天  
下之事始非難其終為難也信乎雖然所謂  
終之難者於予固無加損第識者觀人有以  
颺其不終之志况欲以此為福田而求利益

耶茲者六七人明集於庭用伸告成之禮功在社稷刻銘金石雖千載而下夫誰敢忘忽之所有毛牲椒醑禮過於奢誠忠為予之羞禮檀弓曰夫祭與其敬不足而禮有餘不若禮不足而敬有餘此禮與敬既以俱足奈何

告成之文侶有責不足於我者所謂神之靈則靈矣胡為不少靈於人斯言也幾乎隘矣夫富貴人之所欲也欲之不得必有所求焉維爾六七人同力王室既能善始以善終吾固知其有大有為之志天道神明福我善人○山鳴谷應隨響隨答又何律筆舌之諄諄以為予言予不見凌煙閣上圖像功臣凡二十有二人其所以始終者臣者曰魏徵曰蕭瑀曰段志玄曰劉弘恭曰姚思廉曰虞世南曰叔寶特此七人而已今吾子七人苟能以終

始自期異日致身於廟堂之上必能以國家之務為已任何患其不為凌煙閣七人之事業豈特修廟而已乎予敢以此為勉而序於告成之後云

驅瀉鬼文

傳曰晉侯有疾夢熊以為瀉鬼而後韓退之劉禹錫諸人素號聰明特達世所共欽仰亦亦有瀉鬼之說或作文以逐之或賦詩以遣之於是始信秋瀉冬瀉是名之為鬼也夫鬼也無形無聲安能而病夫人者乎况人為萬

物之靈天之所以覆之地之所以載之日月之所以照之風雨霜露之所以四時而教之穀粟桑麻水之食之吾觀造化之注意於人也不淺苟人道不立其造化之所謂天地日月風雨霜露吾亦不知其所以為天地為日月為風雨霜露謂之而然嗚呼然是特塊然之物矣造化既生斯人於斯世又何容斯鬼而為民之病耶非鬼也鬼非病也是皆飲食不節聲色是耽甘酸苦辣之煎其腸腐其胃喜怒哀樂之亂其性潰其神身非木石攻之

者眾其何不為病雖然古人之病者瀉之以湯藥攻之以針灸未有不瘳而遂其生者今之人病者湯藥不可得而攻針灸不可得而及吁信是鬼之真頑不可化吾奉上帝命守此土治此民其有為茶毒而害靈吾民者按

之女青玄律必在千斬首萬萬截形盡使為掃穴之鬼無為漏網之魚然後可以快吾民之欲弟以下元頒赦姑迺歌于美之詩而告之曰子將觸髓血模糊手提擲還崔大夫鬼其有靈急去急去急急去湏臾不去從天

驅旱魃文

斧宋開寶八年乙亥春二月甲子齋峰老人惟汝之旱名曰魃吾知汝之先曰炎氏以火德王天下有功於民世尊之為炎帝門戶魏魏未昧于前何汝之不肖不修操行賤薄如此付形甚醜秉心不良畢方之毒回祿之災不如汝之甚也夏后氏象物鑄禹汝用是懼率其種類徙於雕題黑齒之國亦有年矣嘗與夸父氏爭雄一方反日影而逐之於暘谷之閒道行苦渴欲食溟渤太澤之水竟不可

得遂竊生盜飲於人間世川原河洛一汲幾盡致有桑林之頌上聞于天明正典刑殆生殄滅周宣王齊景公以仁心待汝不為汝責自後遺種滋蔓延至于今吾奉上帝命守此土治此民之終歲勤動以食為天天心之



仁愛吾民何雲不得化雨不得施伊誰之由  
惟汝是尤禾之秀者將實谷之實者將堅豈  
不之思而為之荼毒以至於此極也况汝且  
人之形秉物之性探汝之心其忍乎草車已  
具糗糧已備酌汝一杯明水明告汝曰雕題  
黑齒之國汝之故都在海之南朝發可夕至  
矣今與汝約畫一日携爾朋輩爾僑駕塵  
風即便啓程苟不聽吾言是冥頑不靈照依  
女青玄律凡為民物害者國人皆曰可殺殺  
之上天有紀有綱罰及爾身弗可悔故檄

驅蝦蟇瘴文

蝗不入境虎抱子而趨此守土之靈之責  
此當為民除害也今番瘴氣名曰蝦蟇今  
作文逐之矣

予嘗讀南史間有丘傑者以咬生菜得疾餘  
歲夢其母告之曰此蝦蟇毒也吾遺子藥三  
丸可餌之果而下料斗子數升然則蝦蟇之  
為害也信乎夫水族之虫各有三百六十種  
類蠢茲蝦蟇於天地間最為棄物形貌瘠羸  
手脚爬沙其腹彭亨其頭感惡色泥泥塗食

殘糞壤跳梁乎井幹之上入休乎缺甃之崖  
所居如彼其汚所見如彼其陋朝夕唯唯聿  
役于鬼天生德於予蝦蟇何為哉或者又曰  
蝦蟇之精為物之妖月于望則撐腸柱腹張  
唇吻猖狂而得志焉練青真而雀躍食太  
陰之精光傲擾天紀暴殄天物如此癡騃天  
且不達况于人乎今也百姓何辜罹其疾苦  
中之首起于毛端發于骨節其始也昏潰馮  
塞眩瞽變感其少進也體反筋倦腰重頭旋  
鼻涕流兩喉咽生烟喙唾胃喉內燥外乾似  
渴不渴而後苦熱作焉畢方煤毒回祿嗣史  
隻頭爛額如坐火坑雖欲騎巨靈舉斗杓東  
取渤海之水洒而濯之不足為快或徂辰成  
汗出乃止或苦熱既退乾嗽復然連日沉滯  
有加而不瘳我推其端其誰之由夫豈秋行

夏令陰陽之不節歟五味適口飲食之不節  
歟目視玄黃耳務活喑聲色之不節何醫師  
不能加之以藥劑何灸師不能施之以艾炷  
詛師口牙之齋靈符師刀筆之縱橫心勞而  
目拙功罔而效遲眾怨感咸至蝦蟇是尤吾奉

上帝命守此土治此民而蝦蟇悍然不死溝  
壑為鬼為魘為魘魘為魘幽陰詭恠奸險  
邪僻傲虐是作罔有悛心短狐射影之妖  
蛇齧草之毒亦不如汝為害之甚也汝罪滔  
天國人皆曰可殺今與蝦蟇約畫率一日其  
率種類共徙於崑山湖水之東偷生寄命勿  
為吾民害不然則是蝦蟇冥頑不靈若罔聞  
知吾專委蠅氏焚壯鞠以灰洒之然後斷其  
首刺其腹膾其肉與國人共裂而食之必須  
滅其種類以快吾民之所欲蝦蟇聞斯語驚

且懼各穿綠衣屈膝庭下乞貸命于予曰柳  
車已備草舡已裝自甘熟伏即日啟程願王  
赦其罪核是作文而促之曰聰明正直者吾  
所以神天命有德兮念此下民蠢茲蝦蟇  
物之妖精幸災樂禍兮胡為不仁上于天憲  
兮寒暑錯行民氣不舒兮僞暗類傾虛扁愴  
惶兮功罔參苓巫覡呪咀兮事涉冥冥下民  
何辜兮疾苦頻仍蠢茲蝦蟇兮罪惡貫盈衆  
怨所萃兮懇汝之名欲齧汝骨兮咀醜其身  
我怒斯赫兮如雷如霆專委蠅氏兮明正典

刑屈膝于庭兮情實可憐哀號乞命兮萬死  
一生盡茲蝦蟇兮若果有靈明聽予言兮改  
過自新嘉山峻拔兮湖水澄清汝之安宅兮  
敢處違寧深逝遠伏兮遁迹潛形速去速去  
急急如律令

宋開寶八年乙亥春三月丁未作

畢殺賦

越人尚機而信殺自古然爾至今風俗不  
可革人有疾且憂也憐於巫覡之徒戒之  
曰參苓固功必須殺以為命且有謗訕感

兼取媚因作畢殺賦以自釋其詞曰

慨堪輿之顛倒兮真樓方寇露瞻靡而潤漑  
兮泉飛而潺湲夜夜遊之滴血兮山林險隘  
射工伺影兮潛斫側而行奸奈燕石之閒珠  
璣兮莫下直屬梯稗混黃梁兮誰復廢平載  
爰瓦金雷鳴兮感池絕響誇莫母之姿色兮  
妬閭嫩子春而靡顏野鳥入室何吉凶兮詎  
悵恨而自悼世貪舖啜其糟醜兮原餐藜而  
紉蘭流俗之抑扼兮電蟻燈蛾六淫生而不  
節兮霜露多感實沈臺駘為可證兮在豈慳

而不經提戟將矢如輅之下兮言汚而詞誕  
龍馬之呈象兮後燧契而協靈機殺而求活  
兮統南風而莫稅寇猖狂而心醉兮威木必  
神旭以安而被焚兮皇其彌早將吞炭而嚙  
嚙兮寧面壁而續魚總生何辜而天昏兮氣

瞻媚而煩寃假迴平於驛史兮眩兮影於杯  
蛇奪造化而律呂觀冰谷而回春母附緩以  
為尤兮執幽昏而昧昧謂昌陽而亦不可以  
引年兮又何進乎茶茶綸網密則形誥兮嗟  
嚴隸而何忍亦以世溷溷兮終感廁妖而不

醒徙薪不以為德兮客焦頭而爛額伊誰之  
由兮鄙夫貪囊設好巧而為言惟罪之渠魁  
兮人惟而鬼責借金銀而剪髮兮使隕越而  
就陵亂曰非是是非相是非乎人勝天定不  
予欺兮明習昏黑爭馳驅兮贅疣竟潰誠可

悲兮孰為彈冠而振衣兮鼓其噴而燭其迷  
兮籌籌不昧寧為之辨兮微予則蓋被髮而  
而侏僂兮

卿二



三十四



徐仙翰藻卷之五

朝天真人自贊

上朝帝座身進天階光依日月職掌三台列  
宿拱衛雲漢昭回東方龍角獨占斗魁

真人回宮自贊

華蓋房駟輔弼嚴明羽林將軍左導右迎填  
蓮送奏律呂合聲榮歸天府萬里雲程

注福司贊

積善之家家用平康維爾福星杲杲光芒相  
壽而富俾熾而昌子孫千億慮我無疆

法錄司贊

警峰疎傑龍首軒昂維爾福星杲杲光芒相  
備多士煥乎文章摩肩接武金門玉堂

永安留守查元帥贊

維查元帥氣剛而直繕甲治兵制賦足食機  
速為神百戰百克折衝萬里職在輔國

武安留守邊元帥贊

維邊元帥靈運後身幼穎而秀性出天真料  
敵制勝兵出有名有征無戰職在安民

魏博節度使左監門魏元帥贊

卿三

維爾魏將邊寄之重義不以力仁不以勇八  
戰八克七擒七縱用則無敵師不在衆

都統軍使右監門趙元帥贊

維爾趙將號令網紀信賞必罰外脩內理入  
守虎關出浣豹尾運籌帷幄決勝千里

都監軍先鋒刁元帥贊

維爾刁將師出有名魏狄百萬分間外營動  
於不意微乎無聲赫赫斯怒號曰神兵

兩部贊

電光閃閃雷聲轟轟震威萬里龍首崢嶸用

作霖雨慰我蒼生風雲慶會千載太平

電掣雷掀雲飛風起甘雨以時農夫之喜迺  
宣迺或黍稷疑疑有實其積萬億及秭

集英贊

飛絨跳劍扶弩張弓雀竿象板鷹鷂鸞籠盤

承仙掌花探天工金毯公子醉賞春風

宮娥獻壽贊

六宮富貴月裏嫦娥金釵珠履紅粉翠娥輕  
輕腰舞細細聲歌玉卮獻壽王母仙桃

素厨簿書作慶壽堂集

一行第一蓋鸞脯鳳胎大簇銀絲  
粉羹次行王母獻壽仙韶法曲祇  
應在業仗

素厨簿書作聚仙宴集

一行第一盞天香七寶異和王條

粉羹次行群仙獻壽雲韶樂祇應

曹文姬

八物珍饈 五齋寶器 六盞玉食

綵戲嬰童贊

太平之時十兩五風農夫有慶相賀年豐管

聲嘒嘒鼓聲逢逢手舞足蹈快樂兒童

膳部樂府贊

膳天堂食物用八珍太師掌樂律呂合聲樂  
以備食食以辨腥既醉既飽詩歌太平

仙樂贊

瓊瑤寶殿腦麝香飄楊妃奏曲弄玉吹簫小  
蠻腰舞越女聲調金卮獻壽一部仙韶

仙厨贊

沈香雀舌味香而潔福果仙桃金盤羅列若  
奉甘露爾供玉屑若作醴酒爾維雜菓

奉祠人求壽贊

友松沈立甫贊 構厦之材凌雲之姿賢哉  
君子有以似之

又

霜標雪標本末負抱畫出  
丹青人道是我

又

友梅周呂元贊 骨格清奇精神富艷本鐘  
造化何須粧點

又

友竹周呂仁贊 清以立心直以立身直哉  
維清君子其人

又

友及堂堂爾貌何怪自抱  
貞心丹青莫繪

友菊章華伯贊 惟德也馨惟材也秀君子  
人馬獨有其有

又

介烈高潔韻與形別冷露  
寒霜不變其節

又

友蘭僧呂立贊 千仞巖頭曾展神通而今  
入室四大俱空

書樂壽堂東邊堂籍

恭奉

慈旨應公侯之子孫必復其始今照勸本人

委足世家盛德之後合賜子孫衆多各以功名貴顯以貽厥後

書慈善堂西邊堂籍

恭奉

慈旨應積善之家子孫必有與者今照勅本

卿三

四

人委是温恭克讓篤實至誠合賜以子

孫千億本支百世用彰淑善陰際著聞

合賜子生孫孫又生子子子孫孫注錫

無疆

出原書

靈濟廟注福司

恭准

三天門下符下欽奉

命凡厥庶民汝錫之福奉此福者天之福

也惟天陰陽下民初協厥居予曷敢有越

厥志告我友邦君越尹氏士御明聽予

言民之所欲汝念哉俾熾而昌昌而大曰

雷曰壽曰康寧仰足以事父母俯足以畜

妻子百福來備使民宜之汝則順其職也

合下本司仰照驗依准奉行

本司恭承

勅旨頒降該欽奉

帝旨合行積善之家注福條宜

一曰介以眉壽 二曰以貴馭民

三曰衣食富足 四曰家用平康

五曰父母雙慶 六曰夫婦齊眉

七曰子孫衆多 八曰農桑重積

九曰果蔬擊毓 十曰牧羊蓄草

十一曰百工巧便 十二曰商旅安貨

恭惟

靈濟廟注福司

三天門下符下欽奉

帝命有德尊以爵有功報以祿奉此爵祿天

之有也今天其相民敢弗于從凡為民之

秀者曰士士之善者曰君子故孟子曰脩

其天爵而人爵從之孔子曰言寡尤行寡

悔祿在其中矣此所謂君子之仕行其義

也一曰爵以取其貴二曰祿以取其富雖

曰太宰之權寔汝之職也告我友邦君越

尹氏庶士御事咸聽予言我聞吉人為善

子孫必有與者繼自今積善之家汝則注

之爵祿合下本司仰照驗依准奉行

本司恭承

勅旨頒降該欽奉

帝旨合行積善之家注福條宜

一曰孫子聰明 二曰人材秀偉

三曰祿受自天 四曰保慶延年

五曰家道殷睦 六曰良配温和

七曰世代多男 八曰仕途順利

九曰車馬僕從 十曰冠冕輝煌

十一曰祿崇秩顯 十二曰永襲昌隆